



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XVI

BROJ: 257

DATUM: 29.03.2019.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Gregor Jurišić, viši saradnik za finansijska pitanja
fax: + 387 33 552 810
gregor.jurisc@sogfbih.ba

Sadržaj biltena:

Pristupanje Evropskoj uniji i lokalne vlasti u BiH, javne nabavke

1

Direktorica SOGFBiH Vesna Travljanin prisustvovala Drugom simpoziju "Upravljanje komunalnim otpadom, upravljanje vodom i energetsom efikasnošću u FBiH"

3

Sedmica održive energije 2019 -registrujte svoj dan energije

3

Deset općina i gradova pomažu Bihaću i migrantima

4

Održan sastanak Mreže praktičara/koordinatora iz jedinica lokalne samouprave za rad sa mjesnim zajednicama

5

Najava radionica "Predstavljanje regulatornog okvira mjesnih zajednica"

5

Najava obilježavanja Dana općina i gradova za mjesec

6

Bilten Saveza općina i gradova Federacije Bosne i Hercegovine

PRISTUPANJE EVROPSKOJ UNIJI I LOKALNE VLASTI U BIH, JAVNE NABAVKE

O ovoj temi razgovarali smo sa Amirom Rahmanovićem, šefom odjeljenja javnih nabavki Grada Tuzla

Savez općina i gradova Federacije Bosne i Hercegovine je u saradnji sa Savezom opština i gradova Republike Srpske i Švedskim savezom regionalnih i lokalnih vlasti u BiH (SALAR) sproveo analizu utjecaja pristupanja Evropskoj uniji na lokalne vlasti u Bosni i Hercegovini iz pet oblasti pravne stečevine i to: „Javne nabavke“, „Zapošljavanje i socijalna zaštita“, „Regionalna politika i strukturni instrumenti“, „Ruralni razvoj“, „Životna sredina i komunalne usluge“.

Analiza je sporevedena u okviru Projekta „Jačanje saveza općina i gradova u Bosni i Hercegovini“, a uz finansijsku podršku vlada Švedske i Švicarske.

Na osnovu izrađene analize i proizašlog Izvještaja sa potrebama i budućim koracima oba saveza i jedinica lokalne samouprave u BiH u procesima prisupanja Evropskoj uniji nedavno je organizovana i Konferencija „Uticaj procesa pristupanja Evropskoj uniji na jedinice lokalne samouprave“.

S obzirom na važnost Izvještaja i samih oblasti koje su analizirane, predstavnici Saveza općina i gradova FBiH će u narednim brojevima biltena uz pomoć adekvatnih sagovornika pokušati odgovoriti na par ključnih pitanja iz svih oblasti.

Izvještaj i sažetak Izvještaja „Uticaj pristupanja EU na lokalne vlasti u Bosni i Hercegovini“ će u narednom periodu biti dostupni svim jedinicama lokalne samouprave u FBiH.

Analiza je pokazala da je potrebno:

- Pružanje pravnog savjetovanja, savjetodavnih usluga i standardnih modela tenderske dokumentacije općinskim uposlenicima (možda u saradnji sa Agencijom za javne nabavke, kao što je to slučaj u Finskoj)
- Koordinacija i organizacija obuke o javnim nabavkama za njihove članove, upotreba postojeće platforme za online učenje
- Izgradnja mreže lokalnih stručnjaka za javne nabavke
- Promiviranje prednosti zajedničkih ili centraliziranih javnih nabavki kao način za povećanje efikasnosti (opcija koja je sadržana u Akcionom planu BiH za period 2016.-2017., ali samo za kantone)
- Saradnja sa drugim savezima općina i gradova u regiji i državama članicama EU u cilju razmjene iskustva.

O ovoj veoma bitnoj oblasti za cijelu lokalnu zajednicu razgovarali smo sa g-dinom Amirom Rahmanovićem, šefom odjeljenja javnih nabavki Grada Tuzla, koji je odgovorio na ključna pitanja iz pomenute oblasti.

Gospodine Rahmanoviću, prije svega hvala vam što ste odlučili govoriti o vrlo bitnoj oblasti za cijelu lokalnu zajednicu, a to je oblast javnih nabavki. Za početak vas želimo pitati kako pojednostaviti postupke za ugovore niže vrijednosti kako bi se promoviralo istinsko natjecanje, uz istovremeno svođenje kašnjenja i administrativnih troškova na minimum i puno poštivanje okvirnih propisa EU?

- Zakonom o javnim nabavkama ("Službeni glasnik Bosne i Hercegovine" broj: 39/14) (Zakon) propisani su vrijednosni pragovi na osnovu kojih se određuju postupci kojim će izvršiti nabavka. Tako je članom 14. Zakona propisano sljedeće: "Za nabavke vrijednosti manje od 50.000,00 KM, u slučaju robe i usluga, ili 80.000,00 KM, u slučaju radova, ugovorni organ može primijeniti jedan od postupaka utvrđenih ovim zakonom, izuzev direktnog sporazuma, uz obavezu ispunjenja propisanih uslova za svaki postupak. Primjena otvorenog ili ograničenog postupka, ili pregovaračkog postupka s objavom obavještenja ili bez objave obavještenja, ili konkursa za izradu idejnog rješenja, ili takmičarskog dijaloga obavezna je u slučaju kada je vrijednost nabavke za robe i usluge jednaka ili veća od:



a) 250.000,00 KM, za ugovorne organe iz člana 4. stav (1) tačka a) i c) ovog zakona; b) 400.000,00 KM, za ugovorne organe iz člana 4. stav (1) tačka b) ovog zakona; c) 800.000,00 KM, za sektorske ugovorne organe iz člana 5. ovog zakona. Kada je vrijednost nabavke, u slučaju radova, jednaka ili veća od 9.000.000,00 KM, ugovorni organ dužan je provesti otvoreni ili ograničeni postupak, ili pregovarački postupak s objavom obavještenja ili bez objave obavještenja, ili konkurs za izradu idejnog rješenja, ili takmičarski dijalog."

Što se tiče pitanja za pojednostavljenje postupaka male vrijednosti takođe je Zakonom propisano da ugovorni organi mogu provoditi tzv. postupke nabavke male vrijednosti i to direktni sporazum i konkurentski zahtjev za dostavu ponuda.

Direktni postupak nabavke može se provoditi u slučaju kada je procijenjena vrijednost nabavke na godišnjem nivou za isti predmet nabavke 6.000,00 KM ili manje.

Konkurentski zahtjev za dostavu ponuda se može primijeniti kada je procijenjena vrijednost nabavke na godišnjem nivou za isti predmet nabavke

- 50.000,00 KM za robe i usluge
- 80.000,00 KM za radove.

Za navedene postupke nabavke male vrijednosti procedura je pojednostavljena tako da je jednostavnija i brža od procedura propisanih za postupke nabavke "velike" vrijednosti.


2. Zahvaljujem vam se na iscrpnom odgovoru, a naše sljedeće pitanje bi bilo kako povećati pravnu sigurnost za lokalne vlasti koje možda žele dodijeliti ugovor o pružanju javnih usluga eksternim izvršiocima (umjesto da to rade interno) ili istražuju opcije za međuopćinsku saradnju (dijeljenje, objedinjavanje, razmjenu, itd.)?

- Što se tiče mogućnosti za međuopćinsku saradnju ona je takođe moguća između različitih općina. Dakle, postoji zakonska mogućnost za međuopćinsku saradnju. Npr. jedinice lokalne samouprave mogu provoditi zajedničke nabavke na osnovu sporazuma između tih općina o provođenju zajedničke nabavke za pojedine predmete nabavke. Npr. za održavanje puteva za potrebe općina dvije ili više susjednih općina mogu provesti jedan postupak nabavke zajednički sa objedinjenim količinama, te izabrati jednog ponuđača i na taj način ostvariti ekonomiju obima, odnosno dobiti povoljnije cijene na veću količinu predmeta nabavke.

3. I posljednje pitanje, možda i najbitnije od svih ostalih, a to je šta bi vama u jedinicama lokalne samouprave olakšalo vaš posao po pitanju javnih nabavki?

- Generalno, posmatrajući sve ugovorne organe u Bosni i Hercegovini, pa samim tim i jedinice lokalne samouprave za postizanje efikasnosti u oblasti provođenja postupaka javnih nabavki od velikog značaja bi bilo propisivanje internih procedura, kojima se regulišu procesi u ugovornim organima vezano za planiranje javnih nabavki, zatim pripreme tehničkih speifikacija i tenderske dokumentacije kao i provođenje postupaka nabavki, te realizaciju ugovora o javnim nabavkama. U dosadašnjoj praksi ono što je uočeno kao jedan od glavnih problema jeste što na poslovljima javnih nabavki u ugovornim organima u Bosni i Hercegovini rade osobe koje nisu dovoljno obučene za kompleksne poslove javnih nabavki, te osobe koje ne poznaju principe i procedure javnih nabavki. Iz naprijed navedenog razloga neophodno je omogućiti osobama koje rade na poslovljima javnih nabavki usavršavanje znanja iz oblasti javnih nabavki kroz obuke, seminare i radionice.

Na kraju treba dodati da će Savez općina i gradova FBiH u narednom periodu provesti niz aktivnosti kako bi pružio usluge i podršku jedinicama lokalne samouprave u ovoj oblasti.



Sažetci Izvještaja

Na kraju treba dodati da će Savez općina i gradova FBiH u narednom periodu provesti niz aktivnosti kako bi pružio usluge i podršku jedinicama lokalne samouprave u ovoj oblasti.



DIREKTORICA SOGFBiH VESNA TRAVLJANIN PRISUSTVOVALA DRUGOM SIMPOZIJU „UPRAVLJANJE KOMUNALNIM OTPADOM, UPRAVLJANJE VODAMA I ENERGETSKOM EFIKASNOŠĆU U FBiH

Direktorica Saveza općina i gradova Federacije Bosne i Hercegovine, Vesna Travljanin prisustvovala je u četvrtak, 28. marta/ožujka 2019. godine Drugom simpoziju pod nazivom: „Upravljanje komunalnim otpadom, upravljanje vodama i energetsom efikasnošću u Federaciji Bosne i Hercegovine“, čiji je organizator Udruženje/Udruga poslodavaca komunalne privrede u FBiH (UPKP).

Na Simpoziju su predstavnici javnih komunalnih preduzeća prezentirali planirane projekte i projekte dobrih praksi, iskustva i primjene savremenog upravljanja komunalnim otpadom, upravljanje vodama i energetsom efikasnošću u FBiH.

-Vjerujem da će ovaj skup doprinijeti razmjeni znanja i iskustva i ukazati na potrebu zajedničkog djelovanja na unaprjeđenju uslova i rada komunalnih preduzeća. Saradnja Udruženja/Udruga poslodavaca komunalne privrede u FBiH i Saveza općina i gradova FBiH se u posljednjih par godina intenzivirala, a posebno na polju vodnih usluga. Nadam se da će se ova saradnja proširiti i na ostale oblasti o kojima se danas govorilo - istakla je Vesna Travljanin, direktorica Saveza općina i gradova FBiH.

Predsjednik Udruženja/Udruga poslodavaca komunalne privrede u FBiH, Selim Babić istakao je da je Simpozij dobra prilika kako bi se razgovaralo o komunalnim problemima i načinima njihovih rješavanja.

Osim predstavnika Saveza općina i gradova FBiH Simpoziju su prisustvovali i predstavnici federalnih i kantonalnih ministarstava, općina, zatim predstavnici Svjetske banke, nevladinih organizacija i članice Udruženja poslodavaca komunalne privrede u FBiH.



Direktorica Vesna Travljanin se obratila prisutnima

SEDMICA ODRŽIVE ENERGIJE 2019 - REGISTRUJTE SVOJ DAN ENERGIJE

Pred nama je četrnaesto izdanje EU sedmice održive energije (EUSEW). Gradovi i općine mogu i trebaju odigrati svoju ulogu. Kako? Organizovanjem Dana energije, tokom kojeg mogu približiti čistu i efikasnu energiju svojoj zajednici, osnažiti građane i lokalne aktere i kompanije da naprave zelenije izbore za održiviju budućnost.

Dan energije može biti organizovan između maja/svibnja i juna/lipnja 2019. godine, uzimajući bilo koji format - posjeti postrojenju za čistu energiju, konferenciji ili radionici koja pomaže djeci da nauče najbolje načine za uštedu energije. Što je događaj inspirativniji i privlačniji, to bolje! Događaj ima za cilj privući najmanje 10 ljudi i biti neprofitabilan. Više informacija se nalazi na web stranici <https://eusew.eu/about-energy-days> Registrujte svoj Dan energije!

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmamed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



DESET OPĆINA I GRADOVA POMAŽU BIHAĆU I MIGRANTIMA

Gradonačelnik Bihaća Šuhret Fazlić u četvrtak, 28. marta/ožujka ugostio je 10 načelnika i gradonačelnika iz svih dijelova Bosne i Hercegovine, koji su u Bihać došli da daju podršku Gradu Bihaću povodom aktuelne migrantske krize koja je posebno snažno izražena u ovom gradu i Krajini.

Načelnici i gradonačelnici Banje Luke, Centra Sarajevo, Doboja, Jajca, Ljubuškog, Petrova, Prijedora, Sanskog Mosta, Bosanskog Petrovca i Vareša potpisali su zajedničku izjavu u kojoj su istakli jednoglasnu i široku podršku Gradu Bihaću, u moralnom smislu i drugim prijateljskim vidovima pomoći.

Oni su zajednički pozvali sve nadležne institucije i ustanove da daju svoj doprinos pri rješavanju migrantske krize i pratećih pojava sa kojima se građani i institucije Bihaća susreću. Zahvalivši se svim kolegama koji su danas došli u Bihać došli dati podršku, bihaćki gradonačelnik Šuhret Fazlić kazao je da je podrška kolega potvrda da Grad Bihać nije sam, kao što nisu ni drugi gradovi u BiH koji su u prošlosti bili pogođeni nekim problemom ili elementarnom nepogodom, poput polava u Maglaju, Doboju i u drugim bh. gradovima. „Današnjom zajedničkom izjavom pozivamo najviše državne instance i institucije da realiziraju obavezu koju su preuzeli, odnosno da se promptno održi posebna zajednička sjednica oba doma Parlamentarne skupštine Bosne i Hercegovine i Vijeća ministara BiH na ovu temu, na kojoj će se sva otvorena pitanja navedenog globalnog izazova, koji sada pritišće BiH, odnosno Grad Bihać, raspraviti na način da se bh. javnosti i građanima Bihaća daju odgovori i ponude rješenja“, kazao je Fazlić.

Današnja posjeta 10 gradonačelnika i načelnika organizovana je uz podršku USAID-ovog projekta PRO-Budućnost, a nakon sastanka i razgovora sa predstavnicima Grada Bihaća i gradonačelnika Šuhreta Fazlića. PRO-Budućnost je projekat Američke agencije za međunarodni razvoj (USAID), koji implementira Catholic Relief Services (CRS) u saradnji sa Forumom građana Tuzle, Centrom za razvoj mladih Kult, Nansen dijalog centrom Mostar, Caritasom BiH i Helsinškim parlamentom građana Banja Luka.

„Jedna mala lokalna zajednica poput Vareša nije mogla i ne želi stajati po strani i reći da ih se ovaj problem u Bihaću ne tiče. Sutra svi mi u svojim lokalnim zajednicama možemo imati neku kriznu situaciju i samo zajedno i uz podršku prijatelja istu možemo i prebroditi. Uvjerem sam da će i Grad Bihać ovu migrantsku krizu prebroditi uz sve prijatelje i one koji mu istinski žele pomoći“, kazao je Zdravko Marošević, načelnik Vareša.



Načelnici/gradonačelnici Banja Luke, Centra Sarajevo, Doboja, Jajca, Ljubuškog, Petrova, Prijedora, Sanskog Mosta, Bosanskog Petrovca i Vareša



Grb Grada Bihaća



Empowered lives. Resilient nations.

Logo UNDP

ODRŽAN SASTANAK MREŽE PRAKTIČARA/KOORDINATORA IZ JEDINICA LOKALNE SAMOUPRAVE ZA RAD SA MJESNIM ZAJEDNICAMA

U četvrtak, 21. marta/ožujka 2019. godine u Bijeljini je održan zajednički sastanak Mreža praktičara/koordinatora zaposlenih u jedinicama lokalne samouprave koji se bave poslovima mjesnih zajednica, u organizaciji Saveza općina i gradova Federacije Bosne i Hercegovine i Saveza općina i gradova Republike Srpske, a uz podršku Projekta „Jačanje uloge mjesnih zajednica u Bosni i Hercegovini“, koji finansiraju Vlade Švicarske i Švedske, a provodi Razvojni program ujedinjenih nacija (UNDP). Na sastanku je predstavljena Metodologija rada mjesnih zajednica - set dokumenata koji su rezultat projekta „Jačanje uloge mjesnih zajednica u Bosni i Hercegovini“. Panel diskusija sastanka se fokusirala na pitanja finansiranja potreba mjesnih zajednica u Bosni i Hercegovini uključujući izazove i probleme u procesu planiranja i trošenja sredstava namijenjenih za finansiranje poslova mjesnih zajednica.

Prilog sa sastanka možete pogledati na sljedećem linku: <http://www.sogfbih.ba/index.php?lang=ba&sel=197&view=76>



Detalji sa zajedničkog sastanka Mreže praktičara/koordinatora

NAJAVA RADIONICA „PREDSTAVLJANJE REGULATORNOG OKVIRA MJESNIH ZAJEDNICA“

Savez općina i gradova Federacije Bosne i Hercegovine će u narednom periodu, za svoje članice, organizovati radionice sa fokusom na regulatorni okvir po pitanju mjesnih zajednica u Federaciji BiH. Na radionicama će biti predstavljen nacrt Zakona o izmjenama i dopunama Zakona o principima lokalne samouprave u Federaciji Bosne i Hercegovine koji je pripremila Komisija za realizaciju projekta „Statusi mjesnih zajednica u zakonodavstvu Bosne i Hercegovine - nivo Federacije Bosne i Hercegovine“. Ovu Komisiju su činili predstavnici sljedećih institucija/organizacija: Federalno ministarstvo pravde, Parlament Federacije Bosne i Hercegovine (Predstavnički/Zastupnički dom i Dom naroda), općine Žepče, Tešanj, Gradačac, nezavisni ekspert, UNDP i Savez općina i gradova Federacije Bosne i Hercegovine. Prva radionica je održana 27.marta/ožujka 2019. godine u Tomislavgradu, a naredna je planirana u srijedu, 3. aprila/travnja 2019. godine u Jajcu. Radionice će voditi prof.dr. Šukrija Bakšić koji je učestvovao u radu Komisije.



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: press@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na

YouTube

Pratite Savez općina
i gradova FBiH na



facebook
Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: press@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA I GRADOVA ZA MJESEC APRIL/TRAVANJ


- **06. april/travanj - Dan Grada Sarajeva.** Dan Grada Sarajeva i obilježava se kao sjećanje na oslobođenja grada 1945. godine.
- **06. april/travanj - Dan Općine Breza.** Dan Općine Breza. To je dan Oslobođenja Breze od fašista iz II. Svjetskog rata 1945. godine.
- **12. april/travanj - Dan oslobođenja Zenice.** Dan oslobođenja Zenice.
- **15. april/travanj - Dan Općine Kakanj.** Radi se o prvom spominjanju imena Kakanj u pisanim izvorima. Na taj dan 1392. godine kralj Stjepan Dabiša darovao je vojvodi Hrvoju Vukčiću dva sela u okolini Kaknja. Općinsko vijeće Kakanj je 14. marta 1996. godine odlučilo da se 15. april proglasi Danom Općine Kakanj.
- **28. april/travanj - Dan Općine Vitez.** Ovaj datum se obilježava kao dan Općine jer je tog dana 1952. godine Narodna skupština NR BiH donijela Zakon kojim je formirana Općina Vitez.



Grad Sarajevo



Općina Breza



Grad Zenica



Općina Kakanj



Općina Vitez